



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

Parisiis, 1644

Epistola XV. Simplicii papæ ad Acacium.

urn:nbn:de:hbz:466:1-14887

Dispensat
papa in gra-
tiam impe-
ratoris.

rum dolorē posito possimus & ecclesię quæ illum meruit, gloriari. Hęc repensis sermonibus & venerationis officio respondere curauit, vt tantas hęreticorum fraudes & facinora diuinis & sęcularibus legibus persequenda, quæ sępius probatis esse tam noxia, de memoria & conuersatione hominum iubeatis auferri, quorum impietas nulla, quantum videtis, potest auctoritate compesci. Data x. Kalendas Iulias post consulatum Illi viri clarissimi.

• EPISTOLA XV.

SIMPLICII PAPÆ

AD ACACIVM.

Eadem quæ & in superiori.

Simplicius episcopus, Acacio episcopo Constantinopolitano.

CLEMENTISSIMI principis literis, tuęque dilectionis, de sacrilega & funestissima cęde, quæ apud Antiochiam facta est, fauciatus, & nimium affectus mōrōre, respondeo, astreniens, si quæ iamdudum de Petro & aliis complicibus eorum scripsérām, & vt pietati eius cum ceteris, qui aderant, fratribus suggerere postularam, vt optauerat, ordinatum fuisse, hęreticorum temeritas ad tantum facinus non veniret; * ne aliquid necessitatise existeret, vt non aliter prædicta subueniretur ecclesia, nisi vt aliquid de iure eius curatio ipsa minueret. Quamuis enim proficerit ad quietem, quod Christianissimi principis iussione, vel sine præiudicio Canonum a tua caritate fuerit Antiochenus episcopus ordinatus: tamen non est sine iniuria factum, cuius cauendum deinceps etiam ille testatur, qui præcepit, exemplum. In quo pietati eius gratias dignum est nos referre: quoniam ita gloria sua moderatus est potestatem, vt fidelissima deuotione patrum regulis submittere quæ iuberet, nec in auctoritatem recipi quod sequenti constituit ærate prohiberi: vt scilicet in hac tantummodo persona, quam iussu eius & studio quietis Antiochenisibus, non tua usurpatione antistitem conse-^{f. nec}crafti, quod factum est necessitate sufficeret. In quo tuę dilectionis non irrationalib[us] cognoscimus fuisse famulatum: quia ecclesiarum iura respiciens, diu te non immērito

rito suspendisse testaris, ne videreris ambire quod tanto principi, & in tam graui causa, non poteras abnegare. Quapropter, frater carissime, institutorum veterum, quæ in te sunt probata, non immemor, sicut veniale iudicare non peruides quod tibi certum est imperatum, ita ipse dans honorem patribus, labora ne necessitas sit vlla facienda quod optas nunc satisfactione purgari.

NOTA.

^a Epistola.] Auctore & impulsore Petro Cnapheo, quem Zeno imperator ab ipso throno deiecit, in Antiochena ecclesia nimis inconsulte degere versarique permisit, Eutychiani ibidem nouas turbationes cruentasque seditiones vicissim concitarunt. Nam cum Stephanus orthodoxus episcopus, vna cum suis in magna ecclesia sacram synaxim solenniter celebraret, Petri Gnaphei omnium hominum perditissimi soboles Eutychiani, confecto agmine, ex exercitu gladii furentis ingressi, in Dei sacerdotes sequentes, eosdem sauvissime trucidarunt, sanctissimumque ipsum antistitem Stephanum, in quem potissimum maiore odio attulabant, & ira incensi corripiebant, ad necem usque atrocissimis tormentis confererunt. De quo ex Ioanne Rethore suorum temporum accuratissimo scriptore Euagrius lib. 3. cap. 10. haec scribit. *Petro ecclesia Antiochenae exturba-
to, Stephanus illius sedem capessit, quam triennio in hunc usque annum
tenuit. Hunc, subdit, Antiocheni calamis ad similitudinem hastarum
praecutis, uti scribit Ioannes Rhetor, confererunt.* Corpus eiusdem in Orontem amnem proiectum fuisse, ex eodem Ioanne scribit Nicephorus lib. 15. cap. 18. Postquam vero Zeno imperator missis Antiochiam militibus ultoribus, de sacrilegis homicidis debitas penas sumpsisset, iussit, ut Antiochenus futurus episcopus Constantiopolis eligeretur: idque ideo, ut paci & quieti eius ciuitatis prosperaret. timebatur enim obducta cicatrix in vlcus vicissim eruptura, si de antistite deligendo Antiochiz comitia haberentur. Electus est Stephanus junior Constantinopoli cur ele-
ctus. Antiochenæ ecclesia consuetudinem accidisset, utpote quæ non nisi in Concilio omnium Syriae episcoporum Antiochenum episcopum ordinare soleret, Zeno imperator literas ad pontificem scriptit, quibus ea quæ gesta erant, a Romano pontifice rata haberentur. Pontifex respondit, se factam ordinationem libenter ratam habiturum, modo exemplum hoc extraordinarium posteris nihil præiudicii adferat, idque imperator iuramento promittat. Ita nouo & prorsus inaudito exemplo contigit, ut qui a totius Syriae episcopis ordinari soleret antistes Antiochenus, agente imperatore, & ratum habente pontifice Romano, Stephanus junior ab Acacio Constantinopolitano episcopo ordinatus fuerit. Accidit etiam hac occasione, quod sicut latens humor malus, cum a natura in cutem transmittitur, leui conficitur. *Quia occa-
sione Sim-
plicius ad
Zenonem
scripsit.*

Concil. Tom. 9.

Yyy

tione pruritus mordacior excitatur : ita plane ambitio primatus quæ in Acacio haetenus latuit, hoc facto magisque incensa, appetitum primatus illi vehementiorem ingessit, vsque adeo, ut famis, seu potius explenda rabiei causa, custodita Canonum claustra ruperit, & vincula catholicæ communionis fregerit, & se usque posteros precipites dederit, ut infra suo loco dicemus. Vide Baronium anno 479. num. 1. &c 2.

* EPISTOLA XVI.

SIMPLICII PAPÆ

AD EVMDEM.

Calendionis Antiocheni episcopi electionem confirmat.

Simplicius episcopus, Acacio episcopo Constantinopolitano.

ANTIOCHENI exordium sacerdotis qua ratione fuet serius indicatum, quamuis minime nos latere potuerit, tamen & ipse vel Synodus ipsius indicauit. Quod sicut non optauimus fieri, ita faciles excusationi, quam necessitas fecit, extitimus : quia quod voluntarium non est, vocari non potest in reatum. Et ideo per fratrem & coepiscopum nostrum Anastasium, qui ex prædicta regione directus est, literis quoque tuæ dilectionis acceptis, alterni vicissitudinem sermonis tuae reddidimus caritati, necessario fratribus & coepiscopi nostri Calendionis sacerdotium gremio apostolicæ sedis amplexi, in consortium nostrum per gratiam Christi Dei nostri tantæ vrbis antistitem collegii vniione numeramus. Miramur autem nihil nos de statu Antiochenæ ecclesiæ te instruente didicisse, quem nunc ita habere se comperimus, ut improbi per occasionem obitus^b sanctæ memoriae Timothei eamdem ecclesiam conentur habere captiuam. Vnde agendum est dilectioni tuæ cum clementissimo principe, ne conuellatur sub eius imperio, quod tyranni temporibus potuit obtineri. Data Idibus Iuliis, Seuerino viro clarissimo consule.

NOTÆ.

Stephanus
Antioche-
nus quando
mortuus. * Epistola.] Anno redemptoris nostri 482. sub consulatu Seuerini, Stephanus iunior Antiochenus episcopus tertio anno sedis suæ ex hac vita migravit : collectaque ibidem Synodo vicinorum episcoporum, electus est in eius locum Calendion episcopus, qui, ut